

DEDICATORIA.

pacem largiatur indifferenter omnibus tam Calvinianis, quàm Lutheranis: tam Arianis, quam Pontificiis: tam Anabaptistis quam Flacianis, & sic deinceps omnibus in univ-
ersum sive Orthodoxis sive hæreticis: quæ denique Christum & Belial, Lucem & tenebras, verum & falsum: imò DEUM & Diabolum, uno eodemq; pacis vinculo consociet & constringat. Talem profectò *αυτονομίαν* & conscientiarum libertatem neque Scriptura præcipit: neque Ecclesiastica historia confirmat: neque ulla firma ratio stabilit: neque ipsa RELIGIONIS pax salusq; ullo pacto admittit: quemadmodum futurus, si præsens occasio ferret, ostendi posset: imò ostendetur ab ijs, qui fortassis foetum, vel abortum potius istum Calvinisticum, sibi refutandum sumserint. Nùm Codex sive Justinianicus, sive Hermogenianus, sive reliqua juris civilis monumenta talem *αυτονομίαν* & libertatē Religionis statuunt, approbent, confirmēt: